

**ATASSUT****UPA 2016/47****Steen Lynge****13. 05. 2016.**

Pisortat ataatsimoortumik allaffissornerisa aaqqissugaanerannut atatillugu naliliinissamut ataatsimiititaliarsuarmik pilersitsisoqarnissaanut Naalakkersuisut peqquneqarnissaannut Inatsisartut aalajangiiffigisassaattut siunnersuut. Maanna suliassaasut aallaavigalugit allaffissornerup annertussusaa ataatsimiititaliarsuup nalilersussavaa, suleriaatsit sunniuteqarluarnerusut pilersinnissaannut immikkoortorta qarfiillu suliassa qarfiillu (sektorit) akimorlugit suleqatigiinnerup pitsangorsaaviginissaanut periarfissat misissussallugit, kiisalu allatut aaqqissuussinissamut periarfissanik siunnersuuteqarluni. Siunnersuutini tamani inatsisit ingerlatsinermut tunngasut qasukkartinneqannginnissaat aallaaviussaaq. Ataatsimiititaliarsuaq inunnit sektorinit assigiinngitsuneersunit inuttaqassaaq, tassa pisortat sektoriineersut aamma namminersortut sektoriineersut ilaasortat misilittagaqartut amerlaqatigiissallutik. Ataatsimiititaliarsuaq assigiinngissitaartuneersunit ilaliussanik sulisitaqassaaq, sulininilu ukiut marluk iluanni naammassissallugu. Tamatuma kingorna ataatsimiititaliarsuup innersuussutai Inatsisartuni politikikkut suliarineqassapput.

(Inatsisartunut ilaasortat Múte B. Egede, Inuit Ataqtigiit aamma Naaja H. Nathanielsen, Attaviitsoq)

Atassut-miit siunnersuuteqartut qujaffigaavut siunnersuutaannut. Siunnersuuteqartut kissaatigaaq siunnersuut sumiiffilerneqartoq partiinut assigiinngisitaartunut tamanut uparuaassutigaaalu, allaffissornikkut ingerlatsineq nunami maani annertuallaalersimasoq.

Innuttaasoq qitiutinneqassaaq inuiaqatigiit pisortat suliffeqarfiinik periusissatut ilusiliisarnermi, tamatumani innuttaasoq toqqammavigalugu. Taamaattumik pisortat periusissatut ilusiliineranni imaassaaq ingerlatsinissamut pisinnaatitaaffinni, inatsisit ingerlatsinermut tunngaviusut taakkuussammata innuttaasut pisinnaatitaaffinik susassa qarfiinilu suliarineqarfissaanni atuutsinneqarfissamikkut qulakkeerinnittusut. Taamatut pisortat pisussaaffiligaanerat piunasaqarpoq allaffissornikkut naammassisaqarsinnaassusilimmik annertussuseqarnissaanik.

Taamatut oqaaseqareerluta takusinnaasatituut ullumikkut nunatsinni allaffissornikkut annertuumik ingerlatsivugut. Taamatut Kalaallit Nunaanni ilusiliiffeqarnermut tunngaviuvoq nunarput sumiiffippaalussuarnik inoqarfiuteqarmat inuttuujunngitsunik aamma kommune-t tamarmik allaffissornermik ingerlatsiffiummata, suliassa qarfiillu assigiissitaartut kommune-ni suliarineqartarlutik.

Amerlasuut kissaatigisaraat susassaqarfinnik eqiterisitsinissaq, tassuunakkut ataatsimut isigalugu angorusunneqarmat allaffissornikkut ingerlatsineq annikinnerusumiittoq.

Taamatut angorusutaqarneq marluinnik imminnut assertuuttunik imaqarpoq. Susassaqarfik tamatigut kommune-niit tiguneqaraangat namminersorlutik oqartussaniit pisariaqartuulertarpoq allaffissornerup annertunerulernissaanik, pissutigalugu kommune-t tamarmik susassaqarfimmut pineqartumut tunngatillugu immikkoortortaqaletariaqartarmata suliaassat assigiit pineqaraluartillugit, tassuunakkut eqiterussamik ingerlativioereersumi allaffissornikkut annikinnerusmik peqareerfimmiit. Taamatut allaffissornikkut ilusiliinneq malitseqarpoq annertussaaffeqartariaqarnermik aamma malitsigisaanik allaffissornermut aningaasartuutit inuiaqatigiinnut annertunerulersarput.

Naalackersuisut paasissutissiinerattuut, arlalippassuarnik misissuisoqartareernikuuvoq aamma immikkut suliaqartitanik ataatsimiisitalianik ingerlasoqangaatsiartareernikulluni, ataatsimiitaliat assigisaallu suliaassaqarfimmittut siunertaaralugu allaffissornikkut ingerlatsinerup apparsaaviginissaa. Taamatullu suliaqartitsineq ingerlaavartumik pivoq aammalu ullumikkut annikillisaanissamut atuutsilernerit ingerlaavartuullutik. Taamattumik Naalackersuisut siunnersuut tapersorsorniannngilaat, taamaattoq Naalackersuisut allannguutissamik siunnersuuteqarput, piumasagaatitaqarfiusumik allaffissornikkut pitsanngoriarfiunerusumik ingerlaaseqalernissamik.

Atassut isumaqataavoq Naalackersuisut siunnersuuteqartunut tapersiinnnginnissaminnut tunngavilersuutaannut. Taamaattumik Atassut taaseqataassaaq Naalackersuisut allannguutissatut siunnersuutaannut, tassuunakkut naaperiutaassammat siunnersuuteqartut kissaatigisaannut tassalu pisortat allaffeqarfiinik pitsaanerusumik ingerlatsilernissamut.

Qujanaq oqaaseqarnitsinnut!